

Publicaziuns officialas dils 21 da zercladur 2024

Vischnaunca Trun

Casa s. Martin Trun

Fiasta da stad en Casa s. Martin, Trun

Sonda, ils 29 da zercladur envida la Casa s. Martin, Trun, parents ed enconuschents da nossas cussadentas e cussadents sco era vischinas e vischins dalunsch e da²maneivel all'usitada fiasta da stad cun grillada, buffet da salata e dessert. L'occurrenza ha liug denter las 11.00 e las 16.30. Vossa viseta fagess a nus grond plascher, seigies beinvegni. Meinacasa e personal

Corporaziun d'aua Campliun

Radunonza generala, venderdis, ils 21 da zercladur 2024 allas 20.00 el Refugi.

1. Beinvegni ed appel
2. Elecziun d'in dumbravuschs ed approbaziun dalla gliesta da tractandas
3. Approbaziun dil protocol dalla davosa radunonza generala
4. Rapport annual dil president
5. Rendaquen 2023/24 – cassiera – revisurs
6. Elecziuns – president – actuar – survigilader da hidrants, alternativa – revisur da quen
7. Orientaziuns / Inspecziun ALT 2023
8. Fixaziun dallas taxas annualas
9. Varia

La corporaziun offerescha mes'ura avon la radunonza in apéro e sunter la radunonza ina tscheina als com²members. La suprastonza

Museum Cuort Ligia Grischa

Guida publica tras las exposiziuns 'Sogn Gieri 1698' e d'art GRISCH, dumengia, ils 23 da zercladur 2024 allas 14.15.

L'exposiziun speciala stat compleinamein el senn dil giubileum da «600 onns Ligia Grischa».

En l'exposiziun d'art GRISCH presentein nus lavurs contemporanas da 16 artistas ed artists digl anteriur territori dalla Ligia Grischa. La guida ei cumprida el prezi d'entrada.

Cordialmein envida il team dil museum

La Tavolata - tratgas dil 17avel tschentaner

Sonda, ils 13 da fenadur allas 19.00 purschin in viadi culinaric (menu da tschun tratgas) tras il museum cun musica e cant dil temps mediaval. Beinvesida ei vestga²dira dil temps mediaval.

Per annunzias ed informaziuns 081 943 25 83 (plazs limitai) ni www.museum-trun.ch/actual

Cordialmein envidan ils teams dil museum e dall'ustria dalla staziun Cumpadial